

BOSNA I HERCEGOVINA
FEDERACIJA BOSNE I HERCEGOVINE
SREDNJOBOSANSKI KANTON
OPĆINSKI SUD U BUGOJNU
Broj: 46 0 K 112233 23 K
Bugojno, 28.02.2024. godine

U IME FEDERACIJE BOSNE I HERCEGOVINE !

Općinski sud u Bugojnu, po sudiji Sonsirej Radivojević, uz sudjelovanje zapisničarke Maide Cetin, u krivičnom predmetu protiv optuženog S.S., a po optužnici Tužilaštva Srednjobosanskog Kantona broj T06 0 KT 0032686 23 od 14.03.2023. godine za krivično djelo Teška krađa iz član 287. stav 1. tačka a) u vezi sa članom 31. Krivičnog zakona Federacije Bosne i Hercegovine¹ (u daljem tekstu KZ FBiH) nakon javno održanog i zaključenog ročišta za razmatranje izjave o priznanju krivnje od dana 27.02.2024. godine održanog u prisutnosti optuženog i Kantonalnog tužitelja Šaćira Hadžića, donio je dana 28.02.2024. godine i istog dana u odsutnosti uredno obaviještenih stranaka, javno objavio:

P R E S U D U

OPTUŽENI: S.S. zv. S., sin S1. i majke S2. rođene Š., rođen godine u T., nastanjen u ulici Titova bb, općina D.V., Bošnjak, državljanin BiH, JMBG:, radnik, SSS, nezaposlen, neoženjen, otac jednog djeteta, pismen sa završenom SSS, Gimnazija, nije služio vojsku, ne vodi se u vojnoj evidenciji, nema čin, nije odlikovan, lošeg imovnog stanja, osuđivan i to:

- Presudom Općinskog suda u Travnik broj: K 123240 17 od 19.06.2017.godine zbog kaznenog djela Šumske krađe iz čl. 316 st.1 KZ F BiH, izrečena kazna zatvora u trajanju od 3 (tri) mjeseca, uvjet 1 (jedna) godina,

- Presudom Općinskog suda u Travniku broj K 138646 18 od 15.08.2020. godine zbog kaznenog djela Šumske krađe iz čl. 316 st.1 KZ F BiH, izrečena novčana kazna u iznosu od 1.000,00 KM, nalazi se na slobodi, ne void se drugi krivični postupak;

K R I V I E

Što je:

U neutvrđenom vremenskom periodu tokom mjeseca januara 2023.godine, u mjestu Kisini, općina Donji Vakuf, zajedno i po prethodnom dogovoru sa J.G. u odnosu na kojeg je postupak razdvojen, u namjeri pribavljanja protupravne imovinske došli do kuće, vlasništvo N.K., koju koristi

¹ Službene novine FBiH 36/03, 37/03, 21/04, 69/04, 18/05, 42/10, 42/11 – u daljem tekstu KZ FBiH

M.S. iz mjesta Gostilj, te upotrebom ključa od kuće koji se nalazio iznad ulaznih vrata, otključali vrata ušli u unutrašnjost kuće, te oduzeli i prisvojili jednu aku bušilicu, jednu brusilicu crvene boje, jedan produžni kabl sa koturačom, jednu električnu oblaricu, konjsku opremu i to: dva julara, dva para štranjgi, odnosno lanci dužine dva metra, tri repnjače, jednu križnjaču, dva ljuta đema i dvije kuke za kačenje trupaca, svjesni da se radi o tuđim pokretnim stvarima i htijući to, nakon čega su napustili lice mjesta, a navedene stvari prodali I.F. za novčani iznos od 280,00 KM.

Dakle, provaljivanjem zatvorenih prostorija oduzeo tuđu pokretninu u namjeri da njenim prisvajanjem pribavi sebi protupravnu imovinsku korist.

Čime je počinio krivično djelo „Teška krađa“ iz člana 287. stav 1 tačka a) u vezi sa članom 31. KZ F BiH.

Pa sud optuženog S.S. uz primjenu navedene zakonske odredbe kao i uz primjenu odredaba članova 41., 42., 43., i 49. Krivičnog zakona Federacije Bosne i Hercegovine kao i uz primjenu odredbe člana 300. Zakona o krivičnom postupku Federacije Bosne i Hercegovine,

OSUĐUJE

na kaznu zatvora u trajanju od 6 (šest) mjeseci

Na temelju odredbi člana 212. st. 3. ZKP F BiH oštećeni M.S. se sa imovinskopravnim zahtjevom u cijelosti upućuje na parnični postupak.

Na temelju odredbe člana 212. stav 3. ZKP FBIH sud optuženog S.S. obavezuje da oštećenom I.F., nadoknadi štetu u iznosu od 280,00 KM, dok se oštećeni M.S. sa imovinskopravnim zahtjevom u cijelosti upućuje na parnični postupak.

Na temelju odredbi člana 199. stav (2) ZKP FBIH optuženi je dužan nadoknaditi troškove krivičnog postupka i to na ime sudskog paušala iznos od 50,00 KM u roku od 30 dana od dana pravosnažnosti presude.

O b r a z l o ž e n j e

Temeljem odredaba člana 202. stav 1. ZKP F BiH sud je optuženog obvezao na naknadu troškova krivičnog postupka i to naknadu sudskog paušala u iznosu od 50,00 KM, pri čemu je imao u vidu dužinu trajanja i složenost krivičnog postupka, te imovinske prilike optuženog i lica koja je obavezan izdržavati.

Zapisničarka:
Maida Cetin

S U D I J A
Sonsirej Radivojević

